



Universitätsbibliothek Paderborn

Antidota Evangelica Contra Horvm Temporvm Hæreses

In Qvibvs Quatuor Euangeliorum illi textus explicantur, quibus vel hæretici
hodie (maximè Caluinus & Beza) ad sua dogmata propugnanda vti solent,
vel ad hæreticorum dogmata impugnanda Catholici vti possunt

Stapleton, Thomas

Lvgdvni, 1595

50. Quicunque fecerit voluntatem Patris mei qui in cælis est, hic frater
meus, & soror, & mater est.

urn:nbn:de:hbz:466:1-39463

Deo iustificamur & iusti sumus. Nullum ergo hic locum habet vel absolutio, quæ effectus iustificationis est, non ipsa iustificatio; vel condemnatio illa qua profertur Iudicis sententia, quæ effectus illius condemnationis seu formalis iniustitiae est, propter quam talis profertur sententia. Sic Niniuitæ condemnabunt Iudeos, quia illorum pœnitentia Iudeorum impenitentiam aggrauabit, propter quam condemnantur. Nihil ergo hic locus nouitium hæreticorum commentum iuuat, circa vocabulū iustificandi. Postremò tametsi hoc loco iustificari pro absolui acciperetur, non propterea sequitur, in aliis Scripturis quæ ex fide & operibus nos iustificari affirmant, in eodem sensu vocabulum semper accipi, ut hæretici volunt: quum eadem vocabula diuersis sensibus accipi in diuinis Scripturis vulgatissimum sit. Talia sunt & tam siculaea Archihæreticorum argumenta.

50. *Quicunque fecerit voluntatem Patris mei, qui in cælis est, hic frater meus & soror & mater est.*

Quem hic locus bonorum operum studium, quo facimus voluntatem Dei, & ea quæ sunt placita Deo, ambulantes in omnibus mandatis & iustificationibus eius, vt de iustis loquitur Scriptura, misericordie amplificet, ita vt non solum quomodolibet Deo gratos ac iustos huiusmodi pietatis cul- iunctos demonstret, vt iam eos nec pro seruis tantum fa- cientibus ea qua facere debuerant, nec pro filiis tantum qui à spiritu Dei aguntur, quæ dilectionis quidem verba sunt, cum nota tamen subiectionis magnaque imparitatis con- juncta, sed altius adhuc consurgendo, pro fratribus & sororibus, imò etiam pro matre habeat, j. in intimam quandam familiaritatem recipiat, summoque dignetur honore; totam hanc tam emphaticam pietatis & obedientiæ mandatorum Dei commendationem uno fidei verbo impius Caluinus cludere se posse confidit. Sic enim scribit. Eos intelligit facere voluntatem Patris, non qui exactè totam legis iustitiam implent fidem omni (nam ita in neminem competenter fraternal nomen quo hic via Calvini discipulos insignit) sed fidem præcipue commendat, quæ sancta obedientia fons est & origo: similiq; defectus & carnis virtutia tegit ne imputentur. Homo impius ad unam fidem tanquam radicem obedientiæ omnia refert, nec videt à Christo hoc loco non radicē, sed fructus laudari; non eos qui credūt,

F

Act. 15.

sed qui faciunt. Ruisum non vider, sanctæ obedientiæ fontem & originem non esse solam fidem, sed multo magis charitatem. Nam ut fides intellectum purificat, quo videat quid sit agendum, & in quem suam actiones dirigendæ, & unde agendi vis ac facultas petenda est: sic charitas voluntatem accedit, ut quæ agenda videntur, in actionem proferat, ut ad propositum suum currat, ut quæ perenda didicit, ardenter perat. Nam fides apprehendens Christum in sensu Caluinii, nullius obedientiæ fons est, sed cerebri Caluinianæ spectrum, Scripturis diuinis incognita. Verum quidem est, totius legis exactam obseruantiam a Christo hic non requiri ut faciat quis voluntatem patris sui, & fortè de facto neminem adhuc fuisse (Beatiss. semper virginem propter honorem Domini semper excipio) qui totam legem exactè impleuerit, id est sine peccato fuerit: sed aliud exticium est, omnem necessariam legis obedientiam excludere, & in sola fide totum ponere. Facere voluntatem Dei, nec totam & exactam postulat obedientiam, nec nullam quasi credere sufficiat; sed obedientiam flagitat & significat, qualis in hanc vitam cadit. *ut ambulantes secundum spiritum non secundum carnem, gaudiiora mandata exequamur, minores & quotidianos defectus oratione quotidiana purgemu*s. Quod autem Caluinus totum in sola fide ponat, probatio, quā subiungit, manifestum facit. *Nota est enim Christi sententia Ioan. 6. Hec est voluntas Patris mei, ut quicumque viderit Filium & credit in eum, non pereat, sed habeat vitam æternam.* Vult ergo non nisi fidem Christo commendari, ut faciamus voluntatem Patris, quia qui credit, non peribit. Sed aduertere impius hereticus debuit, unam hic salutis causam ponit, non totam. Qui credit, non perit, quia qui credit, alia gratiæ præsidia accipiet quibus saluerit: de quo vide Prompt. Cath. ser. 1. Pentec. Deinde aduertere debuit alias Scripturas de voluntate Dei. Si quis cultor est, & voluntatem eius facit, hunc exaudit. Nolite conformari huic seculo, sed reformamini in nouitate sensus vestri, ut probetis quæ sit voluntas Dei bona & beneplacens & perfecta. Videte fratres ut caute ambuleatis, non quasi insipientes, sed ut sapientes, redimentes tempus, quoniam dies mali sunt. Propterea nolite fieri imprudentes, sed intelligentes quæ sit voluntas Dei. Et nolite inebriari vino, &c. Serui obedite Dominum, &c. Ut serui Christi facientes voluntatem Dei, ex animo cum t. Tis. 4. bona voluntate seruientes. Ut sitis perfecti & pleni in omni &c. voluntate Dei. Hæc est voluntas Dei, sanctificatio vestra. In omni

Volunta-
tem Dei
facere
quid.
Rom. 8.

*Ioan. 9.**Rom. 12.**Ephes. 5.**Ephes. 5.**Col. 4.**t. Tis. 4.**&c.*

omnibus gratias agite. Hec est enim voluntas Dei in Christo Heb. 10.
Iesu in omnibus vobis. Patientia vobis necessaria est, ut fa- Heb. 1.
cientes voluntatem Dei, reportetis promissionem. Deus pacis
aperte vos in omni bono, ut faciat eum voluntatem, ut iam
non desiderij hominum, sed voluntari Dei quod reliquum est ^{1. Pet. 4.}
vivat temporis. Denique illud Ioannis. Mundus transit, & ^{1. Ioan. 2.}
concupiscentia eius. Qui autem facit voluntatem Dei, manet
in aeternum. Quis dubitare potest quin his omnibus in lo-
cis facere voluntatem Dei, nihil aliud significet quam facere
Dei mandata, & bonis operibus operam dare? Quod si fa-
cere voluntatem carnis, necessarium in Scripturis significet fa-
cere ea quæ caro suggerit, expetit, & iubet, ut apud Pau- Ephes. 2.
lum, quin de maxime impiis loquitur, Conuersati sumus in
desiderijs carnis nostra, facientes voluntatem carnis & cogi-
tationum: cui dubiam esse potest, quin facere voluntatem
Dei Patris sit ea facere quæ Dei Spiritus suggerit, quæ Deo
placita sunt, ac deum quæ Deus in sua lege fieri mandat
ac iubet? Sed voluntatem Dei facere, nunquam in Scriptu-
ris Calvinus placuit, ut aliis adhuc in locis Euangelicis
videbimus.

IN MATTHÆI CAP. XIII.

II. Vobis datum est nosse mysteria regni cælorum:
illis datum non est.

Ad hæc & sequentia Euangelistæ verba, sparsit
impius Calvinus infernalis sua doctrinæ semi-
na, de Deo peccati & exercitatis reproborum au-
thore atque impulsore actiua. Affirmat in di-
uersos fines hominibus à Deo proponi salutis doctrinam, & ad-
mirabili Dei consilio sic temperari, ut non minus odor sit mor-
tu in morrem reprobis, quam electis odor viuficus. Hæc ille.
Vult vitrumque finem ab ipso Deo proponi, & viriusque
effectus tam excæcationis reproborum quam illuminatio-
nis credentium Deum authorem esse. Hanc ob causam affir-
mat Christum hic data opera obscurius locutum esse, ut mul-
tis enigmaticus esset sermo. Addit postea ut totum suum ve-
nenum effundat, Deum duobus modis priuare homines do-
ctrina & sue luce: interdum enigmaticè loquendo, interdum vero
etiam si aperte loquatur, & absque figuris mentem suam pa- F 2
lam explicet, hebetando tamen illorum sensus & stupore per-
Deus non
excusat
reprobos
actione
propria.